

# LAWATAN ILMIAH KE AKADEMI JAWI MALAYSIA SDN. BHD. OLEH PELAJAR UITM CAW. NEGERI SEMBILAN KAMPUS SEREMBAN

MOHD ISLAH BIN MOHD YUSOF



Peluang mempelajari bahasa ketiga khususnya Bahasa Arab dan melibatkan diri dalam program Lawatan Ilmiah ke Akademi Jawi Malaysia telah memberi pendedahan dan platform yang sangat berkesan bagi mempelajari dan mengetahui lebih mendalam signifikan tentang tulisan jawi atau Bahasa jawi serta fungsinya dengan Bahasa arab dalam kalangan mahasiswa dan mahasiswi di Universiti Teknologi Mara (UiTM). Hal ini tentu sekali memberikan pengalaman yang lebih menarik kepada mahasiswa mahasiswi yang mempelajari bahasa ketiga di UiTM khususnya Bahasa Arab.

Pandangan Za'ba juga ada menjelaskan isu perkaitan bahasa Arab dan 'jawi' dalam hanya mengulas perkataan 'Kitab' telah menjawab proses pelajari Bahasa Arab secara tidak langsung mempelajari Bahasa arab. Selaras dengan Revolusi Industri 4.0 (IR 4.0), Bahasa Arab menjadi bahasa yang sangat popular khususnya dalam industri global kini. Hal ini berikutan telah bermula pasaran ekonomi dan aspek 'diiniyyah' itu sendiri berperanan penting oleh masyarakat sejagat. Oleh itu, penguasaan Bahasa Jawi bukan sahaja menjadi nilai tambah kepada seorang individu dalam menghadapi cabaran global, disamping juga dapat menyahut saranan kerajaan dalam membudayakan hari Jawi yang ditetapkan pada setiap hari jumaat.

## Matlamat dan Pencapaian Program

Besar harapan anjuran ini diadakan maka besar lagi pengharapan para pelajar menyertai program ini dengan menyasarkan beberapa matlamat dan tujuan yang difikirkan relevan antaranya ialah memberi pendedahan tentang ilmu asas dan sejarah Bahasa jawi selain mempelajari teknik kemahiran asas cara menguasai Bahasa atau tulisan jawi yang disampaikan sendiri oleh pengasas atau pengarah Akademi Jawi tersebut secara santai dan efektif. Oleh itu, ianya telah meningkatkan tahap kesedaran dan motivasi para pelajar akan kepentingan disiplin ilmu ini dalam kehidupan masing-masing sebagai contoh teknik mengeja nama sendiri dan nama tempat yang digunapakai sepanjang hidup.

Disamping itu, program ini juga bertujuan mencipta pengalaman dan platform baru secara langsung bagi meningkatkan keyakinan diri dan kesedaran diri akan kerelevanan ilmu Bahasa tulisan jawi ini dan sejauhmanakah signifikan Bahasa Arab dalam kelangsungan Bahasa tulisan jawi. Maka, hasil pencerahan berinformasi ini antara ilmu yang dipelajari adalah sejarah itu sendiri telah lama terbukti dan pandangan-pandangan ulama' dulu atau terkini telah menceritakan karya dan kajian menerusi penulisan mereka. Terdapat banyak buku, rujukan dan bahan cetakan yang terdapat di Akademi ini untuk dibaca atau dibeli terus bagi digunapakai pada masa akan datang.

Seterusnya, budaya menuntut ilmu diluar atau persekitaran ditempat lain juga amat membantu dalam memastikan para pelajar dapat mencapai segala input dan menggalakkan lagi minat dan keyakinan diri sebagai bukti mereka lebih aktif untuk bertanya dan memberi respond untuk berkongsi pendapat mereka secara berhikmah. Oleh itu, pembelajaran secara interaktif dan aktif dua hala sangat menunjukkan budaya ilmu itu sendiri dirai'kan secara berkesan.

